

## গণপ্রজাতন্ত্রী বাংলাদেশ সরকার

উপজেলা সমবায় কার্যালয়

মৌলভীবাজার সদর।

ই-মেইলঃ ucomoulvibazarsadar01@gmail.com

### সিটিজেন চার্টারঃ

উপজেলা সমবায় কার্যালয়, মৌলভীবাজার সদর, মৌলভীবাজার, সমবায় অধিদপ্তর, বাংলাদেশ, ঢাকা এর অধীনস্থ একটি সরকারী প্রতিষ্ঠান। ১৯০৪ সাল থেকে এদেশের জনগনকে সমবায়ের ৭টি আর্দশে উদ্বুদ্ধ করে এ প্রতিষ্ঠান দেশের সকল শ্রেণীর ও পেশার জনগনের আর্থ-সামাজিক উন্নয়ন, কর্মসংস্থান সৃষ্টি ও দারিদ্র দূরীকরণের জন্য কাজ করে যাচ্ছে। সমবায়ের ভিত্তি হচ্ছে গনতন্ত্র, সাম্য ও সংহতি এবং এর লক্ষ্য হচ্ছে স্বাবলম্বিতা ও স্বনির্ভরতা। মূলতঃ কৃষি নির্ভর অর্থনীতিকে সমর্থন করার জন্য এদেশে সমবায়ের সূচনা হলে ও বর্তমানে অর্থনীতির প্রায় সকল ক্ষেত্রে সমবায় তার কার্যক্রমকে বিস্তৃত করেছে।

**প্রত্যাশাঃ** গনতন্ত্রমনা, দুনীতিমুক্ত, স্বচ্ছ, জবাবদিহিতামূলক নারী পুরুষ নির্বিশেষে সুশিক্ষিত ও সুদক্ষ জনশক্তি গড়ে তোলার মাধ্যমে সমবায় আন্দোলনকে বেগবান করা।

**লক্ষ্যঃ** ধনী-দরিদ্র নির্বিশেষে স্থায়ী চেষ্টায় উন্নয়নে প্রত্যয়ী জনগোষ্ঠীকে সমবায়ের মাধ্যমে সংগঠিত করে উদ্যোক্তা সৃষ্টি ও পুঁজি বিনিয়োগের মাধ্যমে স্ব-কর্মসংস্থান ও আত্ম-নির্ভরশীল করে দারিদ্র দূরীকরণ। শিক্ষা ও প্রশিক্ষণের মাধ্যমে স্বচ্ছতা ও জবাবদিহিতা নিশ্চিত করে দেশের সামাজিক ও অর্থনৈতিক উন্নয়নে সহযোগিতামূলক অংশ গ্রহণ নিশ্চিত করা।

### সমবায় সমিতি আইন, ২০০১ (সংশোধিত ২০০২ ও ২০১৩) ও সমবায় সমিতি বিধিমালা, ২০০৪ মোতাবেক আইনগত সেবা সমূহঃ

#### (ক) নিবন্ধন ও উপ-আইন সংশোধনঃ

- ❖ উপ-আইন নিবন্ধনের মাধ্যমে ১টি সমবায় সমিতির আইনগত ভিত্তি লাভ করে। সমিতির সাধারণ সদস্যদের সিদ্ধান্তের আলোকে উপ-আইন পরিবর্তন করা যায়।
- ❖ উপজেলা সমবায় অফিসার কর্তৃক বাংলাদেশ পল্লী উন্নয়ন বোর্ড সমর্থনপুষ্ট প্রাথমিক সমবায় সমিতি সহ সরকারের বিশেষায়িত প্রকল্পভুক্ত প্রাথমিক সমবায় সমিতি নিবন্ধন করা হয়।
- ❖ বিআরডিবি সমর্থনপুষ্ট প্রাথমিক সমবায় সমিতি ও সরকারের বিশেষায়িত প্রকল্পভুক্ত প্রাথমিক সমবায় সমিতি ছাড়া অন্যান্য সকল প্রকার প্রাথমিক সমবায় সমিতির নিবন্ধনকারী কর্তৃপক্ষ হলেন জেলা সমবায় অফিসার মহোদয়।
- ❖ বিভাগীয় যুগ্ম-নিবন্ধন মহোদয় কর্তৃক সকল প্রকার কেন্দ্রীয় সমবায় সমিতির নিবন্ধন প্রদান করা হয়।
- ❖ সমবায় সমিতি নিবন্ধনের জন্য নিবন্ধন ফি প্রদান করতে হয়। এক্ষেত্রে সমবায় সমিতির প্রকার ভেদে সর্বনিম্ন নিবন্ধন ফি ৫০/-টাকা এবং সর্বোচ্চ নিবন্ধন ফি ৫,০০০/-টাকা। নিবন্ধন ফি সরকারী রাজস্ব। তাছাড়া নিবন্ধন ফি এর উপর ১৫% ভ্যাট নির্ধারিত কোডে ট্রেজারী চালানের মাধ্যমে দাখিল করতে হয়।

#### (খ) ব্যবস্থাপনা, অডিট, পরিদর্শন ও অবসায়নঃ

- ❖ নিবন্ধক কর্তৃক ক্ষমতাপ্রাপ্ত কোন কর্মচারী বা ব্যক্তি দ্বারা সমিতির ব্যবস্থাপনা ও আর্থিক কার্যক্রমের উপর বাৎসরিক নিরীক্ষা সম্পাদন করা হয়।
- ❖ সমিতিতে সংগঠিত যে কোন অনিয়ম নিবন্ধক পরিদর্শন কিংবা তদন্তের মাধ্যমে নিষ্পত্তি করে থাকেন।
- ❖ সমিতি অকার্যকর হলে কিংবা সদস্যগণ সমিতির পরিচালনায় অনাগ্রহী হলে নিবন্ধক সমিতিকে অবসায়ন করতে পারেন কিংবা আইনগত পক্রিয়া অনুসরণ পূর্বক সমিতির নিবন্ধন বাতিল করতে পারে।

#### (গ) প্রশিক্ষণ সেবাঃ

- ❖ প্রশিক্ষণ সেবা প্রদানের জন্য কুমিল্লা শহরের উপকণ্ঠে কোট বাড়ীতে রয়েছে দেশের শীর্ষ সমবায় প্রশিক্ষণ প্রতিষ্ঠান বাংলাদেশ সমবায় একাডেমি। এছাড়া ও আঞ্চলিক পর্যায়ে নরসিংদী, মুক্তাগাছা, ফরিদপুর, ফেনী, মৌলভীবাজার, খুলনা, কুষ্টিয়া, বরিশাল, নওগা এবং রংপুরে ১০ টি আঞ্চলিক সমবায় প্রশিক্ষণ ইনস্টিটিউট রয়েছে।
- ❖ জেলা সমবায় কাযালয় এর ভ্রাম্যমাণ প্রশিক্ষণ ইউনিট ও উপজেলা সমবায় কার্যালয়ের যৌথ উদ্যোগে প্রতি বছর লক্ষ্যমাত্রা নির্ধারণ করে সমিতি পর্যায়ে সমবায়ীদের সমিতি পরিচালনা সহ রিসোর্স পারসনের মাধ্যমে তাদের চাহিদা ভিত্তিক প্রশিক্ষণের আয়োজন করা হয়।

#### (ঘ) অভিযোগ ও নিষ্পত্তিঃ

- ❖ উপজেলা পর্যায়ের অভিযোগ সমূহ উপজেলা সমবায় কর্মকর্তা বরাবরে দাখিল করতে হবে।
- ❖ জেলা পর্যায়ে অভিযোগ সমূহ জেলা সমবায় কর্মকর্তা মহোদয় বরাবরে দাখিল করতে হবে।
- ❖ বিভাগীয় পর্যায়ে অভিযোগ সমূহ বিভাগীয় যুগ্ম-নিবন্ধক মহোদয় বরাবরে দাখিল করতে হবে।
- ❖ সমিতির মধ্যে সৃষ্ট যে কোন বিরোধ ন্যায় বিচার, সমতা ও সুবিবেচনা ক্রমে সমবায় সমিতি আইন, ২০০১ (সংশোধিত-২০০২ ও ২০১৩) এর ৫০ ধারা মোতাবেক নির্ধারিত সময়ের মধ্যে নিষ্পত্তি করা হয়। রায়ে কেউ সংক্ষুব্ধ হলে আপীল করার সুযোগ থাকে।

  
(জিভেন্দ্র সরকার)

উপজেলা সমবায় অফিসার  
মৌলভীবাজার সদর।